

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA

Broj: T04 0 KT 0067095 25
Zenica, 22.01.2026. godine

OPĆINSKOM SUDU U ZAVIDOVIĆIMA
- Sudiji za prethodno saslušanje –
ZAVIDOVIĆI

Na osnovu člana 45. stav 2. tačka i) i člana 241. stav 1. ZKP-a F BiH, p o d i ž e m

O P T U Ž N I C U

Protiv:

1. **D. N. ...**, neosuđivan,
2. **B. A. ...**, neosuđivan,

što su:

Dana 17.09.2025. godine, oko 19,00 sati, u mjestu ..., općina Maglaj, u kafiću benzinske pumpe „...“, u vidno alkoholisanom stanju, svjesni da nasiljem prema drugom ugrožavaju građanski mir, što su i htjeli, zajednički i dogovorno, prišli P. M. i od istog tražili da im plati kafe, pa kada je M. to odbio i izašao iz kafića prišli su njegovom bratu P. O. te ga digli od stola i izgurili van iz kafića, gdje su na platou benzinske pumpe fizički napali braću P., na način da je A. pesnicom u glavu udario P. O. kome je od udarca ispao mobitel iz ruke, nakon čega su A. i N. zajedno fizički nasrnuli na P. M. sa leđa, pa kada je P. O. odgurnuo N. od svog brata, N. je pao na tlo, te iz džepa izvadio nož-preklopnu čakiju, dužine sječiva 7 cm, te krenuo prema O. i M. u namjeri da ih ozlijedi ovim nožem, nakon čega su braća P. pobjegli sa lica mjesta,

čime su počinili krivično djelo nasilničko ponašanje iz člana 362. stav 1. u vezi sa članom 31. KZ F BiH.